

LE
MINISTÈRE
VICTORIEUX
DE L'ENVIE.

Par M^r DV FAYR, Predicateur du Roy.



A PARIS,
Chez SEBASTIEN CRAMOISY, Imprimeur
ordinaire du Roy, & de la Reyne.
Et GABRIEL CRAMOISY, rue S. Jacques,
aux Cicognes.

M. DC. LIII.
AVEC PRIVILEGE DV ROY.

P R E F A C E



P R E F A C E



LE Cardinal Mazarin a esté la matiere d'un grand nombre de libelles, & le pretexte de beaucoup de troubles: la calomnie escriuoit contre sa reputation, tandis que la fureur armoit contre sa personne.

La methode que ie tiens pour le iustifier, est contraire à celle qu'on a tenuë pour le noircir; l'escriis en esprit de paix, contre ce qui a esté dicté par celuy de division; defendant l'innocence, ie n'offense pas mesme sa partie: mon ouurage ne me fera point d'enuieux, encore moins d'ennemis.

J'ay horreur de la faction, sans entrer en connoissance des factieux; ie m'en prens aux actions, sans toucher aux personnes;



LE
MINISTÈRE
VICTORIEUX
DE L'ENVIE.



I nous auons esté iusques à present dans le silence, c'est que nous auons tousiours esté dans l'orage: l'excès d'un commun malheur nous auoit réduit dans l'impuissance de faire des discours en faueur de l'innocence combattuë, & ne nous donnoient que la liberté de faire des vœux pour le succès de ses desseins. Le temps de la tempeste n'est pasceluy de parler aux hommes, lors que la passion & le trouble les empeschent d'écouter la raison: mais Dieu qui nous donne en ce temps le mouuement de le prier, nonobstant le